



ხ---რის რაიონული სასამართლო  
**გ ა ნ ა ჩ ე ნ ი**  
საქართველოს სახელით

30.12.2-19 წელი

ქ. ხ---რი

**ხ---რის რაიონული სასამართლოს  
მოსამართლე - ნაირა გიგიტაშვილი  
სხდომის მდივანი - ანა მოსიაშვილი**

**ბრალდების მხარე:**

**პროკურორი -** რ-----ია

**დაცვის მხარე:**

**ბრალდებული -** კ-----ძე, დაბადებული 2-.0--1--- წელს, საქართველოს მოქალაქე, 3/ნ 5-----, საშუალო განათლებით, დაოჯახებული, ნასამართლობის არმქონე. რეგისტრირებული და მცხოვრები ქ.ხ---რი, აგარის ქ.N 17.

**ადვოკატი -** თ-----უ

**კვალიფიკაცია:** საქართველოს სისხლის სამართლის კოდექსის 126-ე მუხლის პირველი ნაწილი

**სხდომის სახე -** ღია

**განსახილველი საკითხი:** ბრალდებულ კ-----ძის მიმართ, სასამართლოს მიერ საქმის არსებითი განხილვის გარეშე განაჩენის გამოტანა.

**აღწერილობით-სამოტივაციო ნაწილი:**

**1.სასამართლომ დაადგინა:**

კ-----ძემ ჩაიდინა ძალადობა, რამაც დაზარალებულის ფიზიკური ტკივილი გამოიწვია, მაგრამ არ მოჰყოლია სისხლის სამართლის კოდექსის 12--ე მუხლით გათვალისწინებული შედეგი. აღნიშნული გამოიხატა შემდეგში:

2-19 წლის 12 ნოემბერს ქ.ხ---რში იმერეთის ქ.N10-ში მდებარე ბაზრის ტერიტორიაზე დაცვის თანამშრომელ ზ-----ესა და ნ-----ეს შორის განვითარდა კონფლიქტი ავტომანქანის პარკირებასთან დაკავშირებით, რა დროსაც კ-----ძემ ფიზიკური შეურაცხყოფა მიაყენა ზ-----ეს. რამდენჯერმე დაარტყა ხელი სხეულის სხვადასხვა მიდამოში, რამაც გამოიწვია დაზარალებულის ფიზიკური ტკივილი.

აღნიშნული ქმედებით კ-----ძემ ჩაიდინა დანაშაული გათვალისწინებული საქართველოს სისხლის სამართლის კოდექსის 126-ე მუხლის პირველი ნაწილით.

კ-----ძის მიერ მოცემული დანაშაულის ჩადენა გარდა მისივე აღიარებისა, დასტურდება მოწმეების: გ-----ის, ნ-----ის, მ-----ის, მ-----ის გამოკითხვის ოქმით, დაზარალებულ ზ-----ის გამოკითხვის ოქმით, შემთხვევის ადგილის დათვალიერების ოქმით, სასამართლო-სამედიცინო ექსპერტიზის 2-19 წლის 2-დეკემბრის N 0----- დასკვნით და საქმეში არსებულ სხვა მასალათა ერთობლიობით.

### **საპროცესო ნორმათა დაცულობა:**

ადვოკატისაგან იურიდიული დახმარების მიღების შემდეგ, გაფორმდა საპროცესო შეთანხმება ზემდგომი პროკურორის თანხმობით პროკურორ ბაჩანა ქარქუხაშვილსა და ბრალდებულ კ-----ძეს შორის, ადვოკატ თ-----ის მონაწილეობით.

პროკურორმა ბაჩანა ქარქუხაშვილმა 2-19 წლის 30 დეკემბერს ხ-----რის რაიონულ სასამართლოში ბრალდებულის პირველი წარდგენის სხდომამდე წარმოადგინა შუამდგომლობა და ითხოვა ბრალდებულ კ-----ძის მიმართ სასამართლოს მიერ საქმის არსებითი განხილვის გარეშე განაჩენის გამოტანა.

პროკურორმა იშუამდგომლა: კ-----ძე ცნობილ იქნეს დამნაშავედ საქართველოს სისხლის სამართლის კოდექსის 126-ე მუხლის პირველი ნაწილით და შეეფარდოს თავისუფლების აღკვეთა 01(ერთი) წლის ვადით, რაც სსკ-ის 63-64-ე მუხლების საფუძველზე ჩაეთვალოს პირობით და გამოსაცდელ ვადად დაუდგინდეს 01(ერთი)წელი.

პროცესში მონაწილე პროკურორმა რ-----იამ მხარი დაუჭირა შუამდგომლობას ბრალდებულ კ-----ძის მიმართ საქმის არსებითი განხილვის გარეშე განაჩენის გამოტანის თაობაზე და ითხოვა მისი დაკმაყოფილება.

შუამდგომლობას დაეთანხმა ბრალდებული კ-----ძე და მისი ადვოკატი თ-----ი.

საქართველოს სისხლის სამართლის საპროცესო კოდექსის მოთხოვნათა შესაბამისად, სასამართლომ განიხილა რა წარმოდგენილი შუამდგომლობა, მიიჩნევს რომ საპროცესო შეთანხმების დადებისას ადგილი არ ჰქონია ბრალდებულის მოტყუებას, იძულებას, დაშინებას ან/და მუქარას. მას არ შეზღუდვია უფლება მიეღო კვალიფიციური იურიდიული დახმარება. სასამართლო დარწმუნდა, რომ საპროცესო შეთანხმების დადებაზე ბრალდებულმა თანხმობა ნებაყოფლობით, დამცველისაგან იურიდიული დახმარების მიღების შემდეგ განაცხადა, ამასთან, ბრალდებული სრულყოფილად აღიქვამს საპროცესო შეთანხმების შინაარსს და მოსალოდნელი განაჩენის სამართლებრივ შედეგებს.

სასამართლო სხდომაზე დადგინდა იქნა, რომ ბრალდებული კ-----ძე სრულად აცნობიერებს იმ დანაშაულის ხასიათს, რომლის ჩადენაშიც ედება მას ბრალი და ამ დანაშაულისათვის გათვალისწინებულ სასჯელს. მისთვის ცნობილია საპროცესო შეთანხმებასთან დაკავშირებული კანონით გათვალისწინებული ყველა მოთხოვნა, მათ შორის საქართველოს სისხლის სამართლის საპროცესო კოდექსის 212-ე მუხლის მე-3 ნაწილის „ე“ ქვეპუნქტით განსაზღვრული მისი კონსტიტუციური უფლებების - დაცვის უფლება; უფლება, უარი განაცხადოს საპროცესო შეთანხმებაზე ბრალის აღიარების შესახებ; უფლება სასამართლოს მიერ საქმის არსებითი განხილვის შესახებ.

სასამართლო ასევე დარწმუნდა, რომ საპროცესო შეთანხმება არ არის შედეგი ბრალდებულის იძულების, დაშინების ან/და ისეთი დაპირებისა, რომელიც სცილდება საპროცესო შეთანხმების ფარგლებს, რომ ბრალდებული ეთანხმება ბრალის აღიარების შესახებ საპროცესო შეთანხმების ფაქტობრივ საფუძველს. ბრალდებულსა და პროკურორს შორის დადებული შეთანხმების ყველა პირობა ასახულია საპროცესო შეთანხმებაში და რომ ბრალდებული და მისი ადვოკატი სრულად იცნობენ საქმის მასალებს.

### **სამართლებრივი შეფასება:**

საქმის მასალებისა და ბრალდებულის მიერ ბრალის აღიარების საფუძველზე სასამართლოს მიაჩნია, რომ ბრალდება დასაბუთებულია, ხოლო სასჯელი კანონიერი და სამართლიანი. პროკურორის მიერ ფაქტობრივი და სამართლებრივი შეფასებები საპროცესო შეთანხმებასთან დაკავშირებით გაკეთებულია სწორად, რის გამოც პროკურორ ბაჩანა ქარქუხაშვილის შუამდგომლობა უნდა დაკმაყოფილდეს.

## **ს ა რ ე ზ ო ლ უ ც ი ო ნ ა წ ი ლ ი:**

საქართველოს სისხლის სამართლის საპროცესო კოდექსის 2-9-216-ე, 258-260-ე, 268-269-ე, 271-274-ე და 277-279-ე მუხლების შესაბამისად, სასამართლომ

### **და ა დ გ ი ნ ა:**

1. პროკურორის შუამდგომლობა დაკმაყოფილდეს.
2. დამტკიცდეს პროკურორ ბაჩანა ქარქუხაშვილსა და ბრალდებულ კ-----ძეს შორის 2-19 წლის 30 დეკემბერს დადებული საპროცესო შეთანხმება.
3. კ-----ძე ცნობილ იქნეს დამნაშავედ საქართველოს სისხლის სამართლის კოდექსის 126-ე მუხლის პირველი ნაწილით და სასჯელის სახით შეეფარდოს თავისუფლების აღკვეთა 01(ერთი) წლის ვადით, რაც სსკ-ის 63-64-ე მუხლების საფუძველზე ჩაეთვალოს პირობით და გამოსაცდელ ვადად დაუდგინდეს 01(ერთი)წელი.
4. კონტროლი და დანმარება პირობით მსჯავრდებულ კ-----ძის მიმართ დაევალოს პრობაციის ბიუროს მისი (მსჯავრდებულის) საცხოვრებელი ადგილის მიხედვით.
5. განაჩენი კანონიერ ძალაშია გამოცხადებისთანავე და ექვემდებარება აღსრულებას.
6. განაჩენის გასაჩივრების ვადა და წესი:  
განაჩენი არ გასაჩივრდება, გარდა შემდეგი შემთხვევებისა:  
მსჯავრდებულს განაჩენის გამოტანიდან 15 დღის ვადაში უფლება აქვს თბილისის სააპელაციო სასამართლოში შეიტანოს საჩივარი ამ განაჩენის გაუქმების თაობაზე, თუ მიიჩნევს, რომ ა) საპროცესო შეთანხმება დაიდო იძულებით, მუქარით, დაშინებით ან მოტყუებით, ბ) ბრალდებულს შეეზღუდა დაცვის უფლება, გ) საქმის არსებითი განხილვის გარეშე განაჩენის გამოსატანად არ არსებობდა საკმარისი მტკიცებულებები,

დ) საქმის განმხილველმა სასამართლომ უგულებელყო საპროცესო კანონის არსებითი მოთხოვნები.

თუ მსჯავრდებულმა დაარღვია საპროცესო შეთანხმებაში ასახული პირობა, დარღვევის გამოვლენიდან ერთი თვის ვადაში პროკურორი უფლებამოსილია ზემდგომ სასამართლო ინსტანციაში წარადგინოს საჩივარი საპროცესო შეთანხმების დამტკიცების შესახებ სასამართლო განაჩენის გაუქმების თაობაზე.

**მოსამართლე**

**ნაირა გიგიტაშვილი**